

375. **Lepanthes Maxoni** Schltr., nov. spec.

Epiphytica, erecta, 16—25 cm alta; rhizomate valde abbreviato; radicibus filiformibus, flexuosis, glabris; caulibus multivaginatibus, unifoliatis, 8—13 cm longis; vaginis ostio ovato acuminato et costis dense papilloso-ciliatis; folio ovali, acuminato, apice ipso tridentato, basi breviter contracto, 3,5—5,5 cm longo, medio fere 1,5—2,5 cm lato; racemis gracilibus, densius multifloris, elongatis, distichis, usque ad 12 cm longis, pedunculo gracili folio fere aequilongo; bracteis cucullatis acuminatis, pedicello duplo fere brevioribus; floribus in genere magnis; sepalis lanceolatis, longe acuminatis, glabris, c. 1,7 cm longis, lateralibus obliquis usque ad medium fere connatis; petalis transversis, glabris, c. 4 mm latis, lobo superiore (i. e. in flore inverso inferiore) oblongo, obtuso, lobo inferiore lanceolato-curvato acuto, superiore aequilongo; labello minuto, rhombeo, bipartito, partitionibus semirhombeis, obtusis, margine incrassatis; columna gracili glabra, c. 2 mm longa; ovario cum pedicello c. 6 mm longo, glabro.

Panama: An Baumstämmen in feuchten Wäldern zwischen Alto de Las Palmas und dem Gipfel des Cerro de Horqueta (Chiriqui), 2100—2268 m ü. d. M. — W. R. Maxon (R. S. P. C. Z., no. 5494), blühend im März 1911.

Die Art ähnelt der *L. Wendlandii* R. f., hat aber viel länger ausgezogene Sepalen.

Die Blüten sind ockergelb mit dunklerer rötlicher Mitte.